

新城縣志

監修局長侯
安瀾題



地 130.205
42
部 5:6

74118
-6



新城縣志卷十五

地物篇 八

金石 一

金石之文可以考正疆域參訂圖書新城自隋唐以上豈是缺如自遼金元分主中土佞佛祈福風尚所趨經幢之建幾徧鄉閭餘者寥寥無幾鮮瑰奇之可居雖然此區區者猶勝于無也志金石

漢

大石嶺碑

畿輔碑目中平六年新城大石嶺山

謹案新城無山畿輔通志謂此碑諸家皆不著錄當是後人偽造

北齊

新城縣志卷十五

地物篇 金石 唐至元

一

石刻佛經殘石

畿輔碑目在新城縣楊氏家

唐

經幢

幢在東加祿二聖祠小學幢高尺半許作八角形每面半尺有文字四行或三行行十字共陀羅尼三種一為觀自在菩薩甘露陀羅尼凡六十六字占兩面一為佛說大乘聖無量壽決定光明王如來陀羅尼共一百六十字占三面其第六面為小字四行首云咸通六年特建口次景福二年口口修建幢子人當村仇良汝等九人名第七面小字五行首云同建幢子人史行周等二十人名第八面首小字一行惟存仇良敏三人名第二行三行皆大字為破地獄陀羅尼真言共十七字

謹案咸通六年爲唐懿宗年號景福二年爲唐昭宗年號其所修建不知是何寺院又咸通六年至景福二年相去二十八年乃載兩帝年號於一時殊不可解次字上宜爲歲字景福二年下以世界大事表考之宜爲癸丑二字遼

洪福寺碑

碑在城東南東柳莊洪福寺首行大遼國涿州歸義縣丞相鄉林莊都維那李夏等次行以下文曰大矣哉恭聞佛之性也希希兮夷夷兮堪凝然而體不可窺美矣夫以謂佛之相也茫茫然大然周沙界而理不可詮得不超歸莫測微果穹源杳杳兮目誠孰視寂寂兮口靡能宣可謂開迷途性應物現形教崇者弘出世之因諦信者證升天之果切以可久等莫不宿植善本曩結良緣幾傷幻化之軀共集涅槃之樂罔憑釋教寧滅罪根欲排多劫之殃須仗三身之

新城縣志卷十五

地物篇 金石 唐至元

二

力今則結集衆力敬鑿雙碑邀般輸之奇匠採崑嶽之幽石一鎚之工爰運處金宿搖空八條之虬乃俄成霜鱗矗起亭巍一尋面優數尺一則披美於衆善一則顯叙於多功苟述其文略陳斯說前有尊勝陀羅尼幢一所寶莖上聳高凌碧漢之心蓮座下礪永鎮黃金之地次有佛殿一坐莫不簪虬吐霧脊獸呀煙瓦列鴛頡梁橫棟懸內四壁兮繪容嚴粹中一壇兮望像端幽三十二相相相皆嚴八十種好好俱妙又於東西廂有洞廊二坐內塑羅漢各五十餘尊可謂容嚴特妙自古同生个个被結趺之座尊尊該超地之因於中位則建菩薩堂一區三間四架彩輝華而霞燦勢髣髴而鳳翔望容好口具真相全西壁上臥如慘戚東廂中須岳巍峨次西北有大雜寶經藏一坐莫不彤楹巍立峴棟高橫金鈴咽天中之吹晴幡映島外之霞似到滄溟蜃吐之樓臺岌岌如臨岱岳雲成之宮闕重重內函則龜經六百帙外費則贖價一千緡赤軸霞爛黃

卷金融載傳者滅七返之罪禮看者免無間之獄又以次後則講堂一坐內置須彌座上宣金口言日日講經四海之潮聲雄震燈燈演法六時之花雨霏空謂厨堂則氣樓迤邐鍊鼎恢弘烹乳酪之珍饈造醞醐之上味時修盛饌日給羣僧一合上寺并下內大僧數餘百人得不行貞雪栢戒朗霜蟾一垂奧義誠能洞曉三藏真文言其易了蓮座講時攝龍鳥以皆伏竹軒吟處動鬼神以咸驚者也

咸雍六年八月十五日建

大施主都維那縣本典李可久邑人副維那前義捷指揮使王志白

邑人副維那副兵馬使宋猷邑人副維那縣本典支祐邑人副維那宋壽邑人副維那王斌

謹案咸雍爲遼道宗年號六年當宋神宗熙寧三年歸義爲遼縣南京道析

新城縣志卷十五

地物篇 金石 唐至元

三

津府涿州今雄縣西北三十五里蓋其地爲新雄交界之處當即今東柳林莊也

觀世音隨羅尼碑

碑在東柳林莊洪福寺月台上首行文曰聖千手千眼觀自在菩薩摩訶薩廣大圓滿無碍大悲隨羅尼曰大興善寺三藏沙門不空奉詔譯次行以下爲經文末行左角上三小字曰太子邑

謹案碑無年月當係與前碑爲咸雍六年同時所立故前碑文曰敬豎雙碑寺碑在左經碑在右末三小字曰太子邑不知何謂

特建葬舍利幢記

記下書涿州范陽鄉貢進士段溫恭撰首行文曰夫以覺皇示滅於雙林遺骨爭持於八國洎捧無壞咸興窆塔以至一丈六尺之金容具瞻頓失八萬四千

之寶級相望而成肇從印土屈支那歷世彌深降年尙遠迨至於今辰聖賢出矣即有燕京西紫金寺前三學寺論主崇祿大夫守司空傳戒大師諱法鈞鍾普賢之靈孕凡夫之體早識歸依之路幼達苦樂之宜以智爲刃煩惱潛摧以惠爲燈暗迷洞照其行高千尺碧松森嶽頂其戒潔一輪明月印天心德旣優茂心復愛慈常疚懷於衆生思共成於正覺是以去咸雍六禩四月口日於馬鞍山惠聚寺內開大乘菩薩戒壇廣度於四衆使之滅六根罪增十善心諸惡早除餘疾兼免不聰者聽不語者語手足拘攣者皆得伸之口日清朝四色蓮花捧日現矣餘之勝事紛若難名無所具錄洎南宋間來求戒者不可勝錄自古及今未之有也故我涿州新城縣衣錦鄉曲堤里邑衆中書省大程官劉公諱清等洎當村院內業經律論大德諱善口抱玉璞之淳誠持冰輪之淨戒皆一代之口人也遂同去南北朝驛路上設無遮之飭濟求戒之人益勵虔誠潛

新城縣志卷十五

地物篇 金石 唐至元

四

膺多福於設飭之所遂復感應舍利一粒不踰數日大小自至二十餘粒曾遇陰霖不果設飭有當邑門前樞密院大程官劉公諱善虔請於家內供養至翌日早晨圓毫俄現方圓盈尺信所謂不可思議殊勝者哉乃與邑衆同弘誓願期備密藏若起塔則止藏其舍利功德惟一建幢則兼銘其秘奧利益頗多况塵颺影覆惡脫福增豈不謂最勝者歟於是同鳩淨賄恪募良緣石探瓌貞匠徵郢俊建尊勝幢葬口如來首於當村精舍內前堂東南隅營其鉅址周稔未踰殊勳告畢口然標口口之儀屹爾聳擎天之勢成集有異得益弘多或瞻禮者永出迷津或旋遶者當登彼岸自是不惟率土之羣生繁祥悉沐亦使抹塵之多劫勝利長存切以某布金之地斯玉有瑕一無懸市之能敢有刊石之作幸衆堅託聊爲直書末行皇朝建號咸雍八年歲次壬子四月大庚戌朔三日壬子午時特建

謹案道宗初即位政治可觀迨後任用羣邪諸部反側而又篤信釋教率土承風考其本紀咸雍六年十一月戊午加圓釋法鈞二僧並守司空七年八月辛巳置佛骨於招仙浮圖八年三月癸卯有司奏春泰寧江三州三十餘人願爲僧尼受具足戒許之太康四年秋七月甲戌諸路奏飯僧尼三十六萬本紀贊一歲而飯僧尼三十六萬一日而祝髮三千徒勤小惠蔑計大本尙足與論治哉今觀諸縣所建寺院塔幢諸碑記可以知一代之風尙矣
特建紀伽藍功德幢記

紀下書涿州范陽鄉貢進士段溫恭撰首行書大遼建號咸雍十禩歲次甲寅四月大戊辰朔十二日己卯午時建

謹案此在舍利幢西各高二丈餘凡五級作六角形自僧俗男女名氏外並刻佛像多尊雕琢極精皆有佛名惟此幢文字漫漶不可卒讀東幢並大書

新城縣志卷十五

地物篇 金石 唐至元

五

奉爲皇太后天祐皇帝懿德皇后特建佛頂尊勝陀羅呢幢文頗完好數年前有洋商出重資購之事將諧矣爲孫府所阻至今對峙寺前如雙利竿千年古物若有鬼神呵護者後之人其善爲保存焉金明昌三年三月初二日重修

明昌寺浴佛池及經幢

二石均在城東南劉家莊東之明昌寺寺創於遼大康年四柱垂懸俗稱懸梁寺浴佛池八角形四正面各寬尺許四斜面各寬五寸餘高尺二寸村民用以椎煤炭已裂爲二字跡磨滅不可讀其第一斜面文曰觀音滿願陀羅尼曰口口唵呵嚕力迦花嚩訶第二正面文曰口口口地獄真言唵口口囉帝野口口口訶六字大明陀羅尼曰唵麼呢鉢訥銘呬第三斜面文曰生天真言口口尼口口口口口佛尼第四正面文曰七俱胝佛母心大佳口隨羅尼餘四面益漫

泚不可識唯最末行有大康十年十月十九日字可辨按大康遼道宗年號經幢亦應作於是時八角四正面寬約六寸四斜面約三寸高二尺餘八面共佛像十二行中間各夾字一行益磨滅不可辨

謹案此寺清末圯毀今初級小學設寺內

尊勝幢

幢在城北跖楊莊楊氏墳幢凡八面四維每寬六寸許大字四行四正面寬四寸許大字三行由西北面起首行書佛頂尊勝陀羅呢曰其下細書巖賓沙門佛隨波利奉詔譯以次爲經文訖西南面而畢其西面細字上半漫滅唯下半首行有花嚴經沙門志詮恭爲字次行有同登覺道次男僧善覺次男俗楊佃字三行有房兄楊文質楊文顯字四行有房姪楊守敬房姪楊守成房姪楊守純房姪楊守均字五行字稍大略可識曰大遼口口四年歲次辛未秋九月甲

新城縣志卷十五

地物篇 金石 唐至元

六

申朔初二日申時建

謹案花嚴即華嚴楊佃佃即信之俗字房兄房侄即堂兄堂侄也四年上闕二字考遼史無四年歲次辛未者惟景宗保寧三年爲辛未亦非四年景帝又在道宗前八十餘年恐有誤也

石幢

幢在曲隄村八角一面文曰大遼燕京涿州新城縣衣錦鄉曲隄里趙文

小字一行

奉爲亡過父母特建佛頂尊勝陀羅尼幢

大字二行

其下小字文曰唐巖賓沙門佛

陀波利奉詔譯陀羅尼文皆大字書以上凡四面一爲聖千手千眼觀自在菩薩摩訶薩廣大圓滿無礙大悲心陀羅尼曰云云下小字爲其妻子氏名年月字磨滅惟餘朔二十一日口時六字耳以上亦凡四面

謹案此幢今存曲隄村龍泉寺前斜植龜趺上與六朝造象爲其父母妻子

祈福同意

石室殘石

石在城北大鋪村楊氏某家爲長方形高約一尺五寸寬面二尺四寸五分狹面二尺一寸上面有長方池深二三寸字體秀整惟剝落不可卒讀寬面右方字可辨者云人口張郎婦幼盧口口爲欲成茲孝悌特上建石室一所其左方字云口院講經沙門志數爲故口口口口母甯氏特泐石室一所他一寬面有云粵有亡父口世傳英譽天謫雄才又云竟於壽昌三年孟夏月薨蒞十四葉因茲傾逝終於故里五十有三母親乾統六年季口二日口口口身故時春秋五口口口又其狹面則爲梵夾之陀羅尼三則亦皆不可連讀

謹案壽昌爲道宗年號一作壽隆一作盛昌一作昌壽其石室蓋志數爲故父母特建以祈福者

新城縣志卷十五

地物篇 金石 唐至元

七

尊勝殘幢

幢在東加祿村二聖祠小學幢凡八面約高二尺餘滿載唐佛陀波利所譯佛頂尊勝陀羅尼經惟四面字七行四面字六行不等每行三十二三字以文義考之其上半約缺四十二三字不等至第七面第五行則均爲男女人名第八行有文識曰維乾統貳年正月陸日鑄了合家姓名記王仲遠施地伍畝東至道南至道西南至寺院北至地主等字第八面則又均爲男女人名

謹案乾統一作乾通爲天祚帝年號考縣境經幢多爲佛頂尊勝陀羅尼譯爲咒其載全經者唯此幢然亦殘缺不完

福惠幢

幢在東柳林莊洪福寺前幢作八面立柱形高約八尺寬面四約各一尺有字四行或六行狹面四約各六寸有字三行或四行南寬面有皇遼燕京涿州歸

義縣承相鄉柳林莊施主張俊等特建福惠幢記二十六字幢座共三層上層刻蓮花狀中層八面高約二尺刻佛像或花卉冒頂共七層中層作八面立柱形高約二尺各刻佛像下層北東各面刻佛頂尊勝陀羅尼皆大字至東南下方小字爲智炬如來心破地獄真言

謹案此幢爲天祚帝天慶四年建自四年甲午至乙巳遼亡其時柳林莊仍屬歸義考金史太祖紀宋屢遣使來議燕京西京地時立愛傳言太祖以燕薊與宋新城入於宋考唐武德四年曾遷固安城於歸義之章信堡城大歷時又析固安以置新昌歸義之地遂并遺歸新城耳柳林莊爲歸義縣地故今屬新城

金

金故崇進榮國公致仕謚忠厚時公神道碑銘

并序

地物篇 金石 唐至元

八

新城縣志卷十五

碑在縣西北里許首三行爲撰文書篆人姓名第一行爲通奉大夫昭義軍節度使兼潞州管內觀察使提舉學校常平倉事上護軍隴西郡開國侯食邑一千戶食實封壹伯戶李晏撰第二行爲承務郎守祕書丞兼翰林院修撰同知制誥驍騎尉賜緋魚袋趙渢書第三行爲翰林侍講學士朝列大夫知制誥兼同修國史護軍馮翌郡開國侯食邑一千戶食實封壹伯戶黨懷英篆額以下爲碑文其言曰崇進榮國公時公之墓在涿州新城縣孝悌鄉板築里公之曾孫璠方爲易州幕官來告曰先祖開府郡王旣葬四十餘年翰林宇文時進奉勅撰次誌銘藏於墓矣正隆之季例削異姓之封降授崇進榮國公其墓道之碑未立子宜爲銘會晏方侍親之郡實未暇也及晏召還而璠云亡大定二十有八年秋八月璠之諸弟瑄玠肆璐復以乃兄之意屢請文雖甚陋義安可辭爲之銘曰時氏之先鉅鹿爲氏粵在戰國齊有時子降及曹魏苗其後裔留憤

壽春清名不既枝分派別史失其譜占籍新城公之遠祖曾祖延義考槃不仕鄉黨稱善陰德潛被祖禘仁儉家資饒裕周濟艱急美行尤著父諱承諫積累巨萬發倉貸人每折其券負郭沮洳常阻行路創石爲梁人得平步善慶攸鍾是生我公追崇二代一品其崇趙張王氏三母夫人皆封國太光華外姻雁行九人五兄三弟公名立愛昌壽其字始生之夕環居赤氣又遇異僧指公相貴及長好學甫二十二太康九年登進士第調泰州幕通達吏事老胥巨猾噤不敢議俄終父喪復倅春州曾未逾年擢爲縣侯惟此雲內素號繁劇片言裁決獄衰訟息連宰大邑馬城文德鳴琴之政與雲內一密院治書精選進士宰相杜公擬公以試遼主灼知公之才力即日召見喜形於色俾主吏房復領承旨自副及都恩寵相比升二憲臺御史中丞剛亦不吐權臣是懲于時權臣竊弄國柄正衙抨劾膽落心病出副燕守旋丁母艱奪情特起俾仍舊官國之將亡

新城縣志卷十五

地物篇 金石 唐至元

九

正人弗用權尹遼興兼漢軍統天輔癸卯皇朝肇造太祖滅遼仰順天道南略燕壤公鎮平山呼集將吏共議所安僉曰三州衆有十萬堅守歲月以需外援公曰不然有遼失政河決魚爛安能復振況以神武颺驚電擊天命人心皆親有德不忍州人履此禍機乃率其衆納款來歸帝曰俞哉嘉汝先識爰命有司亟超顯職公復上言人心惟危叛亡保聚頗懷懼疑皆言大國所下城郭始則存撫終爲俘掠民罔常懷懷于有仁宜以恩信固結斯民綸言嘉歎即諭諸軍秋毫無犯輿情欣欣先是宋人海上結盟願助取遼復丐燕京我師旣克宋不敢動武元重信畀燕于宋公乃拂衣優游故里宋朝求公累召不起仍會宗族丁寧訓誡慎毋干祿若有所待天會乙巳大皇帝詔遣大軍復收燕薊公迎麾下持舊宣勅元帥許公涕淚橫臆復公官職任公子侄從軍數年多贊謀畫爰自郡公進國於陳勤力奉國賜號功臣表求納政優詔不從九年正月真拜

侍中熙宗踐祚公再請老累遣侄孫堅乞數表天子惻然憐其誠懇加中書令
勉從所請猶以外臺未獲其代煩公臥鎮復留半載公請甚力遂允來章官正
開府恩封郡王去國三年薨於私第享年幾何八十有二訃聞之日上爲震悼
詔舉卹典優答元老燕京同簽曰趙慶襲爾護喪事俾安窀穸賜賄有差錢布
緡帛凡所用物皆官爲給仍命詞臣宇文虛中爾作誌銘納諸幽宮復詔太常
賜以美諡諡曰忠厚允協輿議公前後娶夫人者三維其胤息三女三男元配
李氏安次名族二女一子而子不祿故相伴讀王公師儒其女繼室一女二維
季配故相王經姪孫雖無所出克奉蘋蘩皆先公卒而並追封岐國夫人恩禮
渥隆兩子漸豐克紹家世漸左翌衛豐禮賓使三女之孟嫁柴恩義次比丘尼
師號聰慧幼適左淵貴胄令望一子亦顯成吾宅相孫男三人長曰重國早登
儒科累官奉直鈞國祚國襲陰閭門咸致大官福慶益蕃孫女六人名家厥配

新城縣志卷十五

地物篇 金石 唐至元

十

公之流光旁及於外曾孫詵詵數猶孫女璠先擢第餘進士舉下逮雲來代不
乏才衍衍無窮噫嘻大哉惟公天資淳厚篤敬事母至孝昏定晨省自公先人
高年已享而兄立紀五年以長一弟一妹咸近八十每於鄉里相從遊佚道路
縱觀咨嗟歎息富貴壽考夫誰可及能進能退善終善始人臣之美可謂盡矣
公之行事此其大概功業具述有國史在西山之石屹兮豐碑告諸來者刻此
碑銘末一行爲明昌六年二月二十日建 永安宮濟摹勒

謹案李晏見金史列傳字致美累官禮部尙書兼翰學士承旨終昭義軍節
度使諡文簡趙胤黨懷英皆見金史文藝傳黨懷英字世傑史稱其能屬文
工篆籀當時稱爲第一累官翰學承旨趙胤字文孺趙秉文稱胤之正書體
兼顏蘇行草備諸家體其超放又似楊凝式當處蘇黃伯仲間黨懷英小篆
李陽冰以來鮮有及者時人以胤配之號曰黨趙今觀此碑趙書黨篆與趙

閑閑所論相同實非溢美元好問中州集亦極推服此碑歷久完好無一摩滅者時立愛亦見金史列傳蓋探自此碑大略時公身事兩朝皆有獻納蓋亦其時名臣也碑文曰天輔癸卯皇朝肇造案太祖天輔祇六年無癸卯癸卯乃太宗天會元年未免小誤考史傳封王一事削而不載公之在遼位極人臣倚畀之重寵遇之隆可謂至矣而金兵一至遽爾投誠律以與國存亡之義其於取義成仁有慙德矣

尊勝幢

幢在城西北方中村天佑寺明邑人崔嶽重修天佑寺碑記云天佑寺自金時已有石尊勝幢蓋亦名招提也

頂心觀世音菩薩大陀羅尼經幢

幢在白溝河鎮古寺光緒二十年秋九月得於寺東敗址中幢八角高三尺許

新城縣志卷十五

地物篇 金石 唐至元

十一

額缺其半輦至縣署拓視字體適厚署曰大金年數闕如祇存歲次辛亥丁酉月丁丑朔莫生十四葉

謹案金有兩辛亥一太宗天會九年八月辛巳回鶻鄂約遣使來貢之後九日是月十四庚寅日也一章宗明昌二年光緒二十年縣令張丙嘉續修縣志移至署中

佛頂尊勝陀羅尼幢

幢在城東北沿村金章宗承安五年建首題佛頂尊勝陀羅尼日及預修功德延壽浮圖十六字以下爲經咒後署沙門僧志聰建

陀羅尼幢

畿輔通志引縣志云在嚴村無年月

嚴村即沿村

謹案自佛教入中國六朝造像最多尊爲天子親爲存亡父母眷屬及內外

親戚供佛祈福幾變國俗逮至有唐改建經幢所在鄉里往往而是遼金元蓋尤甚焉其他吉金貞石及一切古物寥寥無幾是可知一時之所尙矣

石浴佛池刻咒

石在新城縣王氏家今不識所在續志云此石無年月高不及二尺縱橫皆二尺有奇中鑿槽可容水數斗規其形製當是浴佛池也四面刻梵字各一輪如釋家所鑄準提饒之類

石浴佛池刻石

此石亦在新城縣王氏今不知所在續志云此石亦無年月已裂爲二其形製與前同

謹案遼金以降喜刻梵音經咒至明時則罕見矣當係金元時所造

方石池

新城縣志卷十五

地物篇 金石 唐至元

十二

石在跼楊莊楊氏墳池長約二尺寬尺二寸高尺五寸左側刻龜蛇蟠繞形左角文曰一刻智炬如來心破地獄真言曰曩謨阿灑吒合二悉底喃合二摩野三母馱故緻喃唵眼唵合二曩嚩婆悉啼哩提哩吽右側刻俗稱二鬼把門一女子從門隙外窺狀兩正面各刻麒麟形唯無年月及姓氏其餘塚前亦有同狀長方石池者然皆無字

元

大元保定路雄州新城縣重修孔廟記

首三行前易州儒學教授將仕郎蘄水縣丞會川保安老人鄺恒亨撰 保定路儒學教授張輅書丹 新城縣儒學教諭游文質篆額其文曰王巍然据南面以宅尊居大成之殿優處素王之位衣龍竟日月之服端拱凝旒向明而坐以鄒堯二公左右亞聖而列以門人十哲榮班居於侯位配享春秋二丁血食

之明禋自有生民以來賢於堯舜遠矣垂教示五常之禮談經爲萬代之師經定禮樂之詩書教示文行之忠信其風也變乎齊魯之地其道也大鳴於洙泗之鄉作千載之軌儀爲百王之冠冕嘆公伯僚其如命何誅少正卯亂其政矣用之在朝也致齊人歸其侵疆退而去位也罪桓子受其女樂竈之恥媼也深抑於孫賈文之將興也尙賴於文王其德也配乾坤之大道也深日月之光享萬代無疆之福歎二丁有永之禋自古迄今無以尙之是廟也自荆軻負督亢之地圖入於秦之後迄於今較歲次其來遠矣馴致簷楹風雨所頽毀連甍有所殘缺不完會達魯花赤帖里海牙等於大德年間寵受高封來宰是邑自下車謁廟行香之日見聖像倚胎之零落鄒堯二公衣冠之殘缺視之如傷及闕十哲七十二賢之像其心悽愴而意彷徨特命良工經營已新又命到馳譽丹青泐塑聖像鄒堯二公十哲之容肇繪七十二賢之像不日成之所費貯儲咸

新城縣志卷十五

地物篇 金石 唐至元

十三

於上下扶持潤色之力也金聲文振不殊東魯之風木鐸教興豈不西周之化名從顯於紫泉教大行於黃卷功之成也春雷發震聲大振於燕南秋月揚輝光載揚於趙北杏壇優列於衣冠槐市復興於指讓僉曰今竊見功成不假一言而紀之傳乎不朽如衣錦夜行知之者鮮矣故諾其說姑以直其言耳 尊爲素王優居廟堂官分三獻血食無疆萬古清風賢如堯舜四教彝儀文行忠信南面宅尊冕旒帝冠道深日月德配乾坤聖像端居大成之殿萬古明禋四時享荐爲帝王師定書刪詩金聲文振木鐸教垂榮列衣冠杏壇槐市蘭藹清芬春秋祭祀文廟團圓光華紫泉名揚後世不讓前賢石採燕山刻銘遺後偉續宏休傳乎不朽大德四年歲次庚子秋八月十五日下午書達魯花赤帖里海牙立石

碑陰額曰重修孔子廟記左曰德播千年右曰功傳萬代皆正書以下悉書布

施人之頭銜及其里居凡橫分五列直爲二十七行行之字數不一第一列首
曰宣授管領隨路本投下打捕鷹房人戶提領王傑亦占二行次低四格
曰管領保定等路打捕鷹房人戶提領王傑亦占二行次低四格曰司吏凡四
人次低五格曰東廡功德主凡十五人次低四格曰貼書凡十三人次低四格
曰首領凡五人次低四格曰里正凡九人以上共二十三行 第二列首行曰
坊正次祇待大使各若干人次高二格曰院務提領次高一格曰大使各若干
人次高二格曰站赤提領凡二人次高一格曰醫學教諭一人次高二格曰蘄
州院務提領一人次高二格曰在城耆老下分社長儒人各若干人次曰檢醫
管勾十四人次曰容城縣張景村范陽縣永樂村各一人均高一格 第三列
四列五列皆爲本縣村名村皆平列其下有都社長社長儒人醫工本縣木匠
作頭甲匠提控寺主前社長前副使前里正各若干人惟三列有雄易二州陰
陽提領南馬村高文秀五列有前河間陰陽提領黃堡村張協各高一格

謹案碑文太劣唯以元代古碑可以考見孔廟塑畫之遺制其碑陰人名署
款各依職銜爲高下亦足見當時人民階級之嚴

東平王安童碑

寰宇訪碑錄云東平忠憲王安童碑元明善撰並正書篆額至元元年十二月
立其文略曰東平忠憲王諱安童自中統初年世祖皇帝命掌環衛之政令位
百僚上四年反者平執叛黨千餘人論之如法上問曰朕欲悉死此黨時年十
六對曰兩主爭國彼安知有陛下且甫定神器不推曠蕩之恩顧奮私憾殺無
罪人何以安反側上驚曰少年何以得老成語卿言誠開朕懷千人皆生至元
二年拜光祿大夫中書右丞相別食四千戶辭曰蕞爾宋竊號江南方宏聖略
奮神武以臣謬膺宰相獻笑三方宋孱生侮上改容有閒曰熟思無以踰卿其

新城縣志卷十五

地物篇 金石 唐至元

十四

勿辭奏請燕王省可中書大政奏召大儒許衡衡至詔議中書事衡辭以疾忠
憲親候於邸語移時甚契及還籌思累日不釋上時召衡諭之曰安童練事未
熟善左右之卿所諫語使達朕衡對曰丞相資識聰敏雅有定操稽古獻議即
解要領臣敢不竭愚罄有四年奏曰碩德如姚樞輩三二人可議中書省事上
曰此輩固宜優禮五年阿合馬議立尙書省乃先奏忠憲三公詔諸儒議樞密
商挺倡言曰安童國之柱石一日不可出中書進三公是崇以虛名奪其實權
也衆起和之事挫不行六年大兵伐宋先規襄樊廟謨也七年奏曰臣近言尙
書省宣奏如制其大政令大章程聽與臣議然後得聞今尙書臣違詔徑行上
曰阿合馬恃朕信用敢爾自專勅尙書如前詔八年陝西行省臣言歲饑盜熾
若不顯戮無以威衆奏曰盜犯強竊當罪重輕一切處死法何以立罪入死者
待報從之十年奏以玉冊玉寶上皇后弘吉烈氏以玉冊金寶立燕王爲皇太

新城縣志卷十五

地物篇 金石 元至元

十五

子兼中書令判樞密院十一年劾奏阿合馬欺國害民數事又奏各部及大都
路官阿合馬奏擬非人乞加黜汰十二年詔行中書省樞密院事從皇子北平
王出鎮北園遂留極邊十年不與朝廷通二十一年三月從北平王歸上召入
勞之留語臥內四鼓而出冬十一月復拜中書右丞相進金紫光祿大夫詔天
下監察御史陳天祥劾奏右丞盧世榮略曰人思至元初治不能忘也去春丞
相安童還自北邊天下聞之室家相慶咸望復膺柄用治期可立而得果承恩
命再領中書貴賤老幼喜動京師時政之治與不治民心之安與不安繫丞相
之用與不用爾又如大夫玉速鐵木兒丞相伯顏朝廷專任三相事事咨而後
行無使纖人從旁沮撓能者進能善者行善誠厚天下之大本理天下之大策
又安用培克在位倚以爲治哉其年世榮敗中書條上世榮所爲培克諸事詔
皆罷之奏漕司諸官上曰平章右丞固取朕裁餘皆卿事願欲一一相煩有失

寄託初意因奏曰比覺聖意欲倚近習爲耳目者臣猥列台司所行非道從其彈射罪從上賜奈何近習伺間抵隙援引姦黨曰某人與某官以所著奏目付中書曰準勅施行臣謂銓選自有成憲若此廢格不行必有短臣於上者幸陛下察之上曰卿言甚是妄奏者入上其名二十四年上決意立尙書省奏曰臣力不能回天乞不用桑葛別相賢者猶或不至虐民誤國不聽二十五年見天下大務一入尙書省屢上中書印不許明年宰相止掌環衛三十年正月十九日以疾薨于京師樂安里第春秋四十有九上悼惜久之曰人言丞相病朕謂不然果喪良輔詔重臣監護喪事家老一無所受素車樸馬歸葬只闕禿之先塋大德七年詔建開國元勳命世大臣之碑於大都良鄉之通達

碑陰蒙古書

謹案金石分域編云碑在新城縣西北三十里高碑店元明善撰並書篆乾

新城縣志卷十五

地物篇 金石 唐至元

十六

隆中爲制府裁爲他用今無存案安童史作安同同音字譯者不同也又作

安圖

大元保定路新城縣紫泉龍祠記

首三行撰書人姓名爲翰林待制朝散大夫兼國史院編修官蘇天爵撰 賜同進士出身將仕郎翰林國史院編修官賈彝書 奉直大夫國子監丞呂思誠篆其文曰保定屬邑曰新城邑西北十餘里有泉出焉東流入於拒馬水泉之北涯昔人建祠以祀龍神金時刻石猶存祠前二池清瑩可鑒毛髮冬夏不涸不溢居民相傳曰紫泉者莫究其始名也泰定丙寅秋池水一夕色變爲紫遠近觀者異焉疾者飲之而或愈也明年有赤蛇出於池中蜿蜒行走祠壁變化靈異蓋龍云樞府右翼屯田官廨在祠之西朝列大夫佩金符千夫長蒯侯訥觀神之異率其僚吏及祠旁耆老歲再祠之故燕南憲使趙惠肅侯嘗爲是

邑有惠政既代吏民懷思不忍其去子孫因留家焉惠肅之子右藏庫副使趙安來京師具道蒯侯事神之意且曰曩者泰定時關陝及大河南北頻歲亢旱不雨麥禾槁死民皆菜色至煩朝廷出粟與幣以惠活之而吾邑境比年以來春夏之交百穀芳茂馳禱祠下甘澍輒應歲連大穰民皆充羨神之功其敢忘乎宜傳其事於永遠也余聞其言而異之嗚呼天人相通感格無間是以古者國家修德布政治化熙洽雨暘時若年穀順成今新城之民獨賴神庥幸無凶歲其所以祀神以昭靈貺也亦宜哉蒯侯字子辨涉獵書傳清慎有聞向仕樞廷與先公雅厚故筆其事併作辭以侑饗云坎坎兮擊鼓將迎神兮水滸風肅肅兮雲興靈連螭兮來下奠酒醑兮肴烝女巫進兮合舞神居歆兮樂康順年穀兮福汝倏廻翔兮揚靈霏滂滂兮九宇末行元統二年五月吉日朝列大夫右翼屯田千夫長蒯訥立石

新城縣志卷十五

地物篇 金石 唐至元

十七

謹案紫泉河出涿州界三家店南南入新城界記蓋指入新城縣西北龍堂村而言其發源則不止十餘里也詳水道志蘇天爵呂思誠見元史列傳史稱蘇天爵爲學博而知要長於紀載獨身任一代文獻之寄學者稱滋溪先生呂思誠素以勁拔聞三爲祭酒一法許衡之舊諸生從化二人皆當代文學之士賈彝無傳

新城縣新修廟學記

首三行讓書人姓名爲通議大夫吏部尙書蘇天爵讓 翰林院修撰承務郎同知制誥兼國史院編修官周伯琦書 通奉大夫侍御史張起巖篆額其文曰新城孔子廟者國初李侯天祐爲尹時所作也時河朔新去兵難侯芟荊棘以立官舍久之田野皆闢乃建儒宮俾邑人知向學焉前至元時尹劉恭增修兩廡大德初監縣帖里海涯繪十哲及七十二賢像泰定四年監縣忽魯哈喇

作講堂神門及東西齋室今至元五年監縣那海涯尹劉安定主簿木八喇沙以講堂土階弗稱用甃易之復廣西齋以居師生正竟郟沂鄒四公配食之位又以禮殿漫漶兩廡欹傾遂一新之於是文學椽吹世榮以文來請曰國家治平百載新城廟學始完將刻石以告來者俾嗣葺之又曰甚矣世俗之難喻也今學者僅能執筆曉書數其父兄已命習爲吏矣願爲記以惠教之天爵曰豈獨新城爲然是則天下之通患也夫國家建庠序於郡邑延儒士以爲之師蠲徭役以復其家蓋曰敷教以化民育材以輔世列聖臨御屢下詔書罔不以是爲意爲守令者奉行豈可不至乎昔蜀郡守文翁以蜀地僻陋選郡縣小吏開敏者詣京師受業業成還歸文翁以爲右職又起學宮於城都市招下縣子弟以爲學官弟子爲除更徭每出行縣從諸生明經飭行者與俱縣民榮之爭欲爲學官弟子由是蜀地大化比齊魯焉新城燕督亢地也土沃而俗美北去京

新城縣志卷十五

地物篇 金石 唐至元

十八

師不二百里非若蜀地之僻陋也邑中又多名卿碩輔在金時有若宣政殿學士高漢回中書令時立愛故家遺俗猶有存者聖朝以來則有丞相東平王御史大夫高昌王賜田封戶在焉而故治書侍御史崔公思義燕南廉訪使趙公晟皆家于斯歲時冠蓋不絕學者亦足以儀刑觀感矣爲父兄師帥者可不知所以風勵之歟蓋化民成俗必由乎學詩書禮樂之教治天下之本也刀筆筐篋之習趨一時之急也學者誠能舍其近者小者而圖其遠者大者焉則方聞之士充於朝廷孝弟之風行於鄉邑庶幾列聖興學作士之意乎天爵少游成均及其入官忝列公卿之後故知祖宗右文崇化之盛敢以是爲邑人告是役也尉張節史鏞典史楊中皆左右之克相其成世榮學行淳謹訓授多方將見邑人有所興起矣至元六年庚辰三月甲子謹記碑末言世榮代去今教諭王粹乃趣成之 至元六年歲次庚辰九月八日邑人祖忠孟居仁立石 諸色

府石局提領楊擇鐫字

謹案周伯琦張起巖元史皆有傳史稱伯琦儀觀溫雅博學工文章而尤以篆隸真草擅名當時起巖博學有文善篆隸縣尹李天祐劉恭監縣帖里海牙那海涯縣尹劉安定尉張節史鏞主簿木八沙喇典史楊中皆見舊志至元六年歲次庚辰爲順帝後至元也畿輔碑目列之前至元誤蘇公撰記在三月至九月乃立石也

新城縣學田記

蘇天爵撰其文曰新城燕督亢之地也古稱土壤肥饒溉以西山紫泉諸水故凡植物豐暢茂遂邑方百里北去京師僅二百里士卒屯戍列其左右公卿分地交于前後而官府民庶公私之田及朝廷頒賜釋老以爲永業者又不與也夫一邑之中其地如是之美居者如是之多欲無侵漁爭奪之患蓋亦難矣邑

新城縣志卷十五

地物篇 金石 唐至元

十九

有學田百八十畝散在四鄉之野歲入租粟五十餘石橐千餘束教官張節慮爲豪強侵奪疆界之不明也伐石志之屬天爵爲之記嗚呼井田學校王政之本也後世經界之法壞明倫育才尙賴庠序存焉然而教養之法在乎師表之嚴敦勸之方責諸承宣之寄而聖賢之祀享弟子之膳羞是皆學田所出可不正其疆界乎夫世之學田往往湮沒者何也蓋今之校官無形罰可施則人不知所懼無圖籍可考則吏易以爲姦故必大書深刻斯能彰示永久焉雖然長民者所以專其政也爲師者所以司其教也若夫治化洽而禮讓興風俗淳而民庶化豈獨畊者讓畔于野是則政教有成庶幾隆古之治乎

謹案此記無年月及學田座落所在碑亦無存文見滋溪文集

又案畿輔通志金石門新城縣下據畿輔待訪碑目載有蘇志道碑蘇氏先塋記碑目云蘇志道碑至元元年虞集撰趙孟頫書新城蘇氏先塋記延祐

六年虞集撰趙孟頫書新城續志亦載入縣中考道園集有真定蘇氏先塋碑其文略曰維蘇氏趙郡著姓其後有自行唐徙真定者數世矣葬真定府北新市鄉新城原者云云續志以文有新城原字遽列入新城古蹟蓋未考其碑文也又道園集有嶺北等處行中書省左右司郎中蘇公墓碑首云延祐七年二月壬戌中憲大夫嶺北等處行中書省左右郎中蘇公志道卒于京師七日戊辰子天爵以其喪歸真定三月乙酉葬諸縣北新市鄉新城原先塋之次而刻石以文云云其文明云在真定而畿輔通志亦沿其誤可笑也

新城縣志卷十五

地物篇 金石 唐至元

二十一

